


御选历代诗余

御選歷代詩餘



御選歷代詩餘卷十四目錄四十

清平樂下

劉克莊三首

趙彥端

王千秋二首

陳亮

黃機六首

劉鎮

李泳

戴復古

趙汝迕

盧祖皋 二首

高觀國 二首

韓淲

洪璚

盧炳 二首

潘牂

吳文英

陳允平

周密 六首

張炎 十一首

石孝友 三首

四日

李肩吾

二首

林正大

李萊老

李彭老

趙與仁

李清照

朱淑真

孫道絢

王庭筠

二首

韓玉

段成己

二首

李俊民

元好問 二首

張弘範

劉秉忠

程鉅夫

盧摯 三首

劉因 五首

白樸 二首

顏奎

張翥 二首

張埜 二首

顧德輝

劉基

楊基

三首

吳子孝

二首

吳山

二首

周用

王錫爵

二首

儲昌祚

莫是龍

陳繼儒

二首

王坊

陳子龍

朱顥

謝小濬

無名氏

御選歷代詩餘卷十四目錄

御選歷代詩餘卷十四

四十
六字

司經局洗馬掌局事兼翰林院修撰加二級臣王奕清奉

旨校刊

清平樂

下

清平樂

劉克莊

纖雲埽迹萬頃玻瓈色醉跨玉龍遊八極歷歷天青海
碧水晶宮殿飄香羣仙方按霓裳消得幾多風露變
教人世清涼

前調

劉克莊

風高浪快萬里騎蟾背曾識姮娥真體態素面原無粉
黛身遊銀闕珠宮俯看積氣濛濛醉裏偶搖桂樹人

間喚作涼風

前調

舞姬

劉克莊

宮腰束素只怕能輕舉好築避風臺護取莫遣驚鴻飛
去一團香玉溫柔笑顰俱有風流貪與蕭郎睂語不
知舞錯伊州

前調

席上
贈人

趙彥端

桃根桃葉一樹芳相接春到江南二三月迷損東家蝴蝶
殷勤蹋取青陽風前花正低昂與我同心梔子報
君百結丁香

前調

王千秋

吹花何處桃葉江頭路碧錦障泥衝暮雨一霎峭寒如

許歸來索酒銀瓶潮紅秋水增明却自不禁春惱
人低度歌聲

前調

王千秋

喚雲且住莫作龍池舞五月人間須好雨爲埽無邊煩
暑畦秧鉞綠重生壺天表裏俱清林外桔槔閒挂省
渠多少心情

前調

陳亮

銀屏繡閣不道鮫綃薄嘶騎匆匆塵漠漠還過夕陽邨
落亂山千疊無情今宵遮斷人行兩處香消夢覺一
般曉月秋聲

前調

黃機

釵頭蝴蝶舞趁梅邊雪酒瀉黃滕光奪月歲歲年年蕉
葉邊城鶯喚春堤沙塲馬到秋肥脫却熊韜虎略換
渠金甲牙旗

前調

江上九日

黃機

西風獵獵又是登高節一片情深無處說秋滿江頭紅
葉誰憐鬢影淒涼新來更點吳霜孤負萸囊菊盞年
年客裏重陽

前調

黃機

風煙韶膩春事三之二說與人生行樂耳富貴古來如
此西園已有心期姚黃魏紫開時纖指金荷潋灩香
脣銀竹參差

前調

黃機

煙融雨膩春去三之二了却蘭亭修禊事
擽與仙翁一醉方壺日月偏長
清容花草吹香辦取此身強健功名飽看諸郎

前調

黃機

曉牕晴日一點黃金橘萬事如毛隨日出
多少人間頭白未春長恨春遲春來生怕春歸
辦取揭天簫鼓莫教孤負茶蘼

前調

黃機

西園啼鳥留得春多少客裏情懷無日好
愁損連天芳草博山灰冷香殘微風吹滿銀箋
卓午花陰不動一

雙蝴蝶團圓

前調

趙園避暑

劉鎮

柳陰庭院簾約風前燕著雨荷花紅半斂消得盈盈綠
扇竹光野色生寒玉纖雪藕冰盤長記酒醒人靜暗
香吹月闌干

前調

李泳

亂雲將雨飛過鴛鴦浦人在小樓空翠處分得一襟離
緒片帆隱隱歸舟天邊雪捲雲浮今夜夢魂何處青
山不隔人愁

前調

戴復古

今朝欲去忽有人留處說與江頭楊柳樹繫我扁舟且

住十分酒興詩腸難禁冷落秋光借取春風一笑狂
夫到老猶狂

前調

趙汝迂

初鶯細雨楊柳低愁縷煙浦花橋如夢裏猶記倚樓別
語小屏依舊圍香恨拋薄醉殘妝判却寸心雙淚爲
他花月淒涼

前調

盧祖皋

柳邊深院燕語明如翦消息無憑聽又嬾隔斷畫屏雙
扇寶杯金縷紅牙醉魂幾度兒家何處一春遊蕩夢
中猶恨楊花

前調

盧祖皋

錦屏開曉寒入宮羅峭脈脈不知春又老簾外舞紅多
少舊時駐馬香街如今細雨蒼苔殘夢不成重理一
雙蝴蝶飛來

前調

秋葉

高觀國

盤枝翦翠葉葉西風意吹上玉人雲鬢底無限新涼氣
味飄蕭露捲煙柔絕憐不逐溪流寄語多情宋玉悲
秋得似宜秋

前調

高觀國

春蕪雨濕燕子低飛急雲壓前山羣翠失煙水滿湖輕
碧小蓮相見灣頭清寒不到青樓請上琵琶絃索今
朝破得春愁

前調

韓 澮

蕭然在澗景色秋來冠幾縷明霞紅未斷矯首時時遐
觀回思五馬清游分明前輩風流留作山間佳話更
誰愁上眉頭

前調

漁父

洪 璚

陣鴻驚處一網沈江渚落葉亂風和細雨撥棹不如歸
去蘆花輕泛微瀾篷牕獨自清閒一覺遊仙好夢任
他竹冷松寒

前調

盧 炳

琉璃翦葉點綴黃金屑雅淡幽姿風味別翠影婆娑弄
月秋光占斷江南清香鼻觀先叅一朵折來和露烏